

12.11.2019թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 400606/02
ՎԱՐՉԱԿԱՆ ԻՐԱՎԱԽԱՒՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Արման Մնացականյանս, ուսումնասիրելով 12.11.2019 թվականի թիվ 2355/1 վարչական իրավախախտման վերաբերյալ արձանագրությունը և կից նյութերը, քննելով թիվ 2355/1 գործը,

ՊԱՐԶԵՑԻ

<<Սերիսիո>> ՍՊԸ-ի (ՀՎՀՀ՝ 01571191) հարկային պարտավորությունները՝ համաձայն հարկային մարմնում վարվող անձնական հաշվի քարտի տվյալների 24.09.2019թ-ի դրությամբ կազմում են 217597 ՀՀ դրամ, որից 118450 ՀՀ դրամը առաջացել է 2019թ. օգոստոս ամսվա եկամտային հարկի հաշվարկից, 87363 ՀՀ դրամը՝ 2019թ. 3-րդ եռամսյակի շահութահարկի կանխավճար, 11089 ՀՀ դրամը՝ 2019թ. օգոստոս ամսվա սոցիալական վճար:

<<Սերիսիո>> ՍՊԸ տնօրեն Հայկ Ավագյանի (հասցե, ք.Երևան, Նորք 6 փող, 13) կողմից 2019թ. օգոստոս ամսվա եկամտային հարկի հաշվարկից առաջացած 118450 ՀՀ դրամ գումարը և 2019թ. 3-րդ եռամսյակի շահութահարկի կանխավճարը՝ 87363 ՀՀ դրամ գումարը, 2019թ. օգոստոս ամսվա սոցիալական վճարը՝ 11089 ՀՀ դրամ գումարը ՀՀ օրենսդրությամբ սահմանված ժամկետում չի վճարվել, ինչի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 170³ հոդվածով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը չի ներկայացել: Գործում առկա չէ գրավոր առարկություն կամ բացատրություն:

Այն փաստը, որ Հայկ Ավագյանի վերջին մեկ տարվա ընթացքում ենթարկվել է վարչական պատասխանատվության (15.08.2019թ-ի թիվ 393602/02), սույն գործով դիտվում է, որպես պատասխանատվությունը ծանրացնող հանգամանք:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 34, 244², 281 հոդվածներով և 282 հոդվածի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 170³ հոդվածի, Հայկ Ավագյանի նկատմամբ կիրառել վարչական տույժ՝ նշանակել տուգանք 20 000 (քսան հազար) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա.ՄԵԱՅԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝

Վարչական տույժ նշանակելը վարչական իրավախախտում կատարած անձին չի ազատում այն պարտականությունից՝ կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումը հանձնելու /հանձնված համարվելու/ օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեհամարներին.

900005240487՝ տուգանքի 70%, **900013000246՝** տուգանքի 30% վճարման անդորրագրի <<նպատակ>> դաշտում պարտադիր նշելով որոշման համարը:

Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:

Ստացա որոշման պատճենը _____